


საქართველოს სპორტისა და ახალგაზრდობის საქმეთა სამინისტრო საჯარო სამართლის იურიდიული პირი
საქართველოს ოლიმპიური რეზერვების მზადების ეროვნული ცენტრი



დემონტაჟის სამუშაოების სახელმწიფო შესყიდვის შესახებ

გამარტივებული ელექტრონული ტენდერის

სატენდერო დოკუმენტაცია

2016 წელი

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს დადგენილი წესით შესრულებული თარგმანი ქართულ ენაზე.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სატენდერო წინადადების ღირებულება გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის და ხარჯის გათვალისწინებით.

1.7 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.8 პრედენდენტს არა აქვს უფლება წარმოადგინოს ალტერნატიული სატენდერო წინადადება.

1.9 შესყიდვებში მონაწილეობის მსურველ პირებს სატენდერო დოკუმენტაციასთან დაკავშირებული დამატებითი ინფორმაციის და განმარტებების მიღება შეუძლიათ სსიპ- საქართველოს ოლიმპიური რეზერვების მზადების ეროვნული ცენტრის (მისამართი: ქ.თბილისი, თიანეთის გზატკეცილი#25, ტელ.2-687930) სატენდერო კომისიის აპარატის წევრებისაგან: მადონა ბარნაბიშვილი, თამარ ახვლედიანი.

2. ტექნიკური დავალება

სახელმწიფო შესყიდვების ერთიან ელექტრონულ სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას წინამდებარე ტექნიკურ დოკუმენტაციაში განსაზღვრულ მოთხოვნებზე:

2.1. შესყიდვის ობიექტი:

სსიპ-საქართველოს ოლიმპიური რეზერვების ეროვნული ცენტრის (თბილისი, თიანეთის გზატკეცილი #25-ში) ტერიტორიაზე ამორტიზირებული საქვების ცალკე მდგომი ლითონის მილის დემონტაჟი. აღნიშნული სამუშაოები უნდა შესრულდეს სატენდერო დოკუმენტაციის და პროექტში მოცემული კონკრეტული სამუშაოების, მოცულობების და პირობების შესაბამისად ნახაზები, ესკიზები და ხარჯთაღრიცხვა ერთიან ელექტრონულ სისტემაში ატვირთულია ცალკე ფაილებად Excel-ის და PDF-ის ფაილების სახით და ითვლება სატენდერო დოკუმენტაციის განუყოფელ ნაწილად.

2.1.2 სამუშაოების სრული ჩამონათვალი და მოცულობები იხილეთ საპროექტო დოკუმენტაციით გათვალისწინებულ დანართი N1-ში, დანართი #2-ში. გათვალისწინებული სამუშაოების განხორციელება ტენდერში გამარჯვებულმა კომპანიამ უნდა უზრუნველყოს საკუთარი მასალებითა და ხარჯებით.

2.1.3 შესრულებულ სამუშაოთა მიღება-ჩაბარების აქტის გაფორმებისათვის მიმწოდებელმა უნდა წარმოუდგინოს შემსყიდველს შესრულებული სამუშაოს შესახებ შედგენილი ფორმა N2.

2.2 სამუშაოს მიწოდების ვადები და ადგილი

2.2.1 ტენდერში გამარჯვებულმა კომპანიამ სამუშაოები უნდა დაიწყოს ხელშეკრულების გაფორმების დღიდან და დაასრულოს არაუგვიანეს 10 (ათი) სამუშაო დღის განმავლობაში.

2.2.2 სამუშაოების შესრულების ადგილი : ქ.თბილისი, თიანეთის გზატკეცილი #25.

2.3 ანგარიშსწორების პირობები:

2.3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2 ანგარიშსწორება მოხდება ფაქტიურად შესრულებული სამუშაოების მოცულობის მიხედვით უნაღდო ანგარიშსწორებით ლარებში;

2.3.3 ანგარიშსწორება მიმწოდებელთან განხორციელდება ფაქტიურად შესრულებულ სამუშაოებზე წარმოდგენილი ფორმა N2, შესაბამისი მიღება-ჩაბარების აქტის გაფორმებისა და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

2.3.4 ტენდერში წინასწარი ანგარიშსწორება არ გამოიყენება.

2.4. დამატებითი მოთხოვნები:

2.4.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.4.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

2.4.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ).

2.4.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

2.4.5. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

2.4.1 **2015 წლის 1 იანვრიდან** დღემდე პრეტენდენტს უნდა ქონდეს შესრულებული არანაკლები 2 (ორი) ანალოგიური სირთულის და შინაარსის სამუშაოები.

2.4.2 ტენდერში მონაწილე პრეტენდენტმა ერთიანი ელექტრონული სისტემის საშუალებით უნდა წარმოადგინოს ტენდერით გათვალისწინებული ანალოგიური ხასიათის, სირთულის და შინაარსის სამუშაოებზე გაფორმებული ხელშეკრულებები და ამ სამუშაოების დასრულების დამადასტურებელი დოკუმენტების ასლები (როგორიცაა: „მიღება-ჩაბარების აქტები“, „ანგარიშ-ფაქტურები“ ან/და ორმხრივად დადასტურებული სხვა დოკუმენტაცია), ან/და მითითება CMR /SPA ნომრებზე.

2.5.3 თუ ელექტრონული ვაჭრობის შედეგად, ერთიან ელექტრონულ სისტემაში და- ფიქსირებული საბოლოო ფასიდან გამომდინარე, ერთეულის ფასები წარმოდგება მრავალ- ნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მეასედებამდე. შესაბამისად, შეამციროს საერთო ფასიც.

2.4.4 იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტი ვალდებულია უზრუნველყოს ფასწარმოქმნის ადეკვატურობის დასაბუთება და დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. აღნიშნულის თაობაზე პრეტენდენტი ვალდებულია შემსყიდველის მიერ განსაზღვრულ გონივრულ ვადაში (არაუგვიანეს 5 სამუშაო დღისა) უზრუნველყოს შესაბამისი დასკვნის წარმოდგენა, რომელიც გაცემული უნდა იყოს სსიპ-ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის ან დამოუკიდებელი სერთიფიცირებული აუდიტორის მიერ. პრეტენდენტის მიერ წარმოდგენილი ფასწარმოქმნის ადეკვატურობის დასაბუთება დაზუსტებას არ ექვემდებარება.

2.5. პრეტენდენტის მიერ სისტემაში სავალდებულოდ ასატვირთი დოკუმენტებია:

2.5.1 სატენდერო დოკუმენტაციით გათვალისწინებული დანართი N1 (ხარჯთაღრიცხვა, სადაც პრეტენდენტის მიერ მითითებულ უნდა იქნას შესასარულებელი სამუშაოების საერთო და ერთეულის ღირებულებები ამავე დანართით გათვალისწინებული რაოდენობებისა და მოცულობების შესაბამისად), პრეტენდენტის მიერ ხარჯთაღრიცხვის წარმოუდგენლობა გამოიწვევს მის დისკვალიფიკაციას;

2.5.2. სატენდერო დოკუმენტაციით გათვალისწინებული დანართი N3 (რეკვიზიტები, სადაც პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად.

2.5.3 2015 წლის 1 იანვრიდან დღემდე შესრულებული ანალოგიური ხასიათის, სირთულის და შინაარსის სამუშაოებზე გაფორმებული არანაკლები 2 (ორი) ხელშეკრულებები და ამ სამუშაოების დასრულების დამადასტურებელი დოკუმენტების ასლები (როგორიცაა: „მიღება-ჩაბარების აქტები“, „ანგარიშ-ფაქტურები“ ან/და ორმხრივად დადასტურებული სხვა დოკუმენტაცია), ან/და მითითება CMR /SPA ნომრებზე.

3. პრეტენდენტის რეკვიზიტები:

- პრეტენდენტის იურიდიული ფორმა და დასახელება:
- ხელმძღვანელის სახელი და გვარი:
- პრეტენდენტის იურიდიული ან/და ფაქტიური მისამართი
- საიდენტიფიკაციო კოდი
- პრეტენდენტის ტელეფონის ნომერი
- ელექტრონული მისამართი
- ბანკის კოდი
- მომსახურე ბანკი
- ანგარიშის ნომერი

/პრეტენდენტის დასახელება/

/სახელი, გვარი, თანამდებობა /

/ხელმოწერა, ბეჭედი /

4. სახელმწიფო შესყიდვის შესახებ ხელშეკრულების პროექტი

ქ.თბილისი

----- 2016 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის SPA ----- ჩატარების შედეგად. წინამდებარე ხელშეკრულების პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად.

1. ხელშეკრულების დამდები მხარეები

ერთის მხრივ ს.ს.ი.პ. – საქართველოს ოლიმპიური რეზერვების მზადების ეროვნული ცენტრი (შემდგომში `შემსყიდველი`) წარმოდგენილი მისი დირექტორის ----- სახით და მეორეს მხრივ, ----- (შემდგომში `მიმწოდებელი`) წარმოდგენილი ----- სახით, სახელმწიფო შესყიდვების შესახებ კანონის და პრეტენდენტის სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

2.1 “ხელშეკრულება სახელმწიფო შესყიდვების შესახებ” (შემდგომ – “ხელშეკრულება”)- შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე მთელი დოკუმენტაციით, რომლებზეც ხელშეკრულებაში არის მინიშნებული.

2.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

2.3 “შემსყიდველი ორგანიზაცია” (შემდგომ “შემსყიდველი”) ნიშნავს ორგანიზაციას (დაწესებულებას), რომელიც ახორციელებს შესყიდვას;

2.4 “მიმწოდებელი” ნიშნავს პირს, რომელმაც მოიპოვა გამარჯვება ტენდერში და ასრულებს სამუშაოს სახელმწიფო შესყიდვის შესახებ მოცემული ხელშეკრულების ფარგლებში;

2.5 “დღე”. “კვირა”, “თვე” ნიშნავს კალენდარულ დღეს, კვირას, თვეს;

2.6 “სამუშაო”- ხელშეკრულების მე-2 მუხლით გათვალისწინებული საგანი.

2.7 “ტექნიკური დოკუმენტაცია” - მიმწოდებლის მიერ SPA-----გამარტივებულ ელექტრონულ ტენდერში სატენდერო წინადადებებით წარმოდგენილი ტექნიკური დოკუმენტაცია, რომელიც დაერთვება ხელშეკრულებას, რომელიც მისი განუყოფელი ნაწილი.

3. ხელშეკრულების საგანი

სსიპ-საქართველოს ოლიმპიური რეზერვების ეროვნული ცენტრის ტერიტორიაზე ამორტიზირებული საქვების

ცალკე მდგომი ლითონის მილის დემონტაჟის სამუშაოები (CPV45111300).

4. ხელშეკრულების ღირებულება

4.1. შემსყიდველმა გამოაცხადა დემონტაჟის სამუშაოებზე გამარტივებული ელექტრონული ტენდერი, ტენდერში გამარჯვებულმა მიმწოდებელმა აიღო ვალდებულება შეასრულოს ზემოაღნიშნული სამუშაო -----
----- ლარად (შემდგომში - ხელშეკრულების ღირებულება).

4.2. სატენდერო წინადადებით შემოთავაზებული ფასი მოიცავს სამუშაოების სრულყოფილად შესრულებასთან დაკავშირებულ ყველა ხარჯებს და საქართველოს კანონმდებლობით გათვალისწინებულ ყველა გადასახადს მ.შ. დღგ-ს;

5. თანმდევი მომსახურება

მიმწოდებელმა სამუშაოების დამთავრების შემდეგ თავისი ძალებითა და სახსრებით უნდა გაათავისუფლოს სამუშაო ადგილი მოწყობილობა-დანადგარებისა და ნარჩენებისაგან.

6. მხარეთა უფლება-მოვალეობანი

6.1. მიმწოდებელი ვალდებულია:

6.1.1 უზრუნველყოს წინამდებარე ხელშეკრულებით გათვალისწინებული სადემონტაჟო სამუშაოების დაწყება ხელშეკრულების გაფორმებიდან და დაასრულოს არაუგვიანეს 10 (ათი) სამუშაო დღის განმავლობაში.

6.1.2. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

6.1.3. უზრუნველყოს წინამდებარე ხელშეკრულებით გათვალისწინებული სამუშაოების შესრულება საამშენებლო ნორმებისა და წესების სრული დაცვით თანდართული ხარჯთაღრიცხვის (შემდგომში “ხარჯთაღრიცხვა”) მიხედვით, რომელიც წარმოადგენს ხელშეკრულების განუყოფელ ნაწილს, აგრეთვე უზრუნველყოს სამუშაოთა მაღალი ხარისხით შესრულება და დამთავრება ხელშეკრულების 6.1.1. პუნქტით განსაზღვრულ ვადებში;

6.1.4. წარმოადგინოს სამუშაოთა შესრულების შესახებ ფორმა, რომელიც ასახავს შესრულებული სამუშაოს მოცულობასა და ღირებულებას (შემდგომში - ფორმა #2);

6.1.5. სამუშაოების შესრულების პროცესში შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

6.1.6. სამუშაოების შესასრულებლად აუცილებელი მასალები, აღჭურვილობა და მექანიზმის მიწოდება უზრუნველყოფილი უნდა იქნას მიმწოდებლის მიერ საკუთარი შესაძლებლობებით და რესურსებით;

6.1.7 მიმწოდებელმა სამუშაოების განხორციელების განმავლობაში მათ მიღებამდე საქართველოს მოქმედი კანონმდებლობის და არსებული ნორმების შესაბამისად, უნდა მიიღოს აუცილებელი ზომები ტექნიკური უსაფრთხოების და გარემოს დაცვის უზრუნველსაყოფად.

6.1.8. მინიმუმამდე დაიყვანოს მუშაობით გამოწვეული ხმაურის, ვიბრაციის და მტერის გავლენა;

6.1.9. ნებისმიერ დროს, წინასწარი შეტყობინების გარეშე დაუშვას შემსყიდველი და მისი წარმომადგენლები სამუშაო ობიექტზე, ხელი შეუწყოს ინსპექტირების განხორციელებას;

6.2. მიმწოდებელს უფლება აქვს:

6.2.1 მოსთხოვოს შემსყიდველს ხელშეკრულებით გათვალისწინებული პირობების შესაბამისად შესრულებული სამუშაოების ღირებულების ანაზღაურება.

6.3. შემსყიდველი ვალდებულია:

6.3.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

6.3.2. ხელშეკრულებით გათვალისწინებული სამუშაოების შესრულების საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

6.3.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოს ღირებულება;

6.3.4. წერილობითი ფორმით დაუყონებლივ აცნობოს მიმწოდებელს რაიმე დეფექტის ან ნაკლის აღმოჩენის შესახებ;

6.4. შემსყიდველს უფლება აქვს:

6.4.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;

6.5. მხარეებმა დაიცვან ამ ხელშეკრულებით გათვალისწინებული ყველა პირობა.

7. შესყიდვის ობიექტის მიღება-ჩაბარების წესი

7.1. შესრულებული სამუშაოს, მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა მიერ უფლებამოსილი წარმომადგენლის ხელის მოწერით, ინსპექტირების განმახორციელებელი პირის/პირების დადებითი დასკვნის, ფორმა #2-ის საფუძველზე.

7.2. სამუშაოს მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოსა და წუნდების მიზეზების მითითებით.

7.4 შემსყიდველის მხრიდან მიღება-ჩაბარების აქტზე ხელმომწერ უფლებამოსილ პირს წარმოადგენს სსიპ - საქართველოს ოლიმპიური რეზერვების მზადების ეროვნული ცენტრის -----

8. სამუშაოს შესრულების ადგილი

წინამდებარე ხელშეკრულებით გათვალისწინებული სამუშაოები უნდა განხორციელდეს მისამართზე: ქ.თბილისი, თიანეთის გზატკეცილი #25, სსიპ-საქართველოს ოლიმპიური რეზერვების ეროვნული ცენტრი.

9. ხელშეკრულების შესრულების კონტროლი

9.1. შემსყიდველი უფლებამოსილია შესყიდვის ობიექტის პარალელურად მოახდინოს სამუშაოების შემოწმება მიმწოდებლის მიერ წარმოდგენილი ხარჯთაღრიცხვის შესაბამისად, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.

9.2.შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყონებლივ წერილობით აცნობებს მიმწოდებელს წუნდების მიზეზების მითითებით.

9.3.შემოწმების შედეგად გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9.4. შემსყიდველს უფლება აქვს განახორციელოს ტექნიკური ზედამხედველობა, ნებისმიერ მომენტში შეამოწმოს სამუშაოთა შესრულების ხარისხი.

9.5 ხელშეკრულების კონტროლს (ინსპექტირებას) შემსყიდველის მხრიდან განახორციელებს სსიპ-საქართველოს ოლიმპიური რეზერვების მზადების ეროვნული ცენტრის -----

10 ანგარიშსწორების ფორმა, ვადები

10.1. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

10.2. შესრულებული სამუშაოს, ანგარიშსწორების განხორციელებისათვის მიმწოდებელმა უნდა წარმოადგინოს მიღება-ჩაბარების (შესრულების) აქტი, ფორმა #2 და საგადასახადო ანგარიშ-ფაქტურა.

10.3. შესრულებული სამუშაოების ანგარიშსწორება მიმწოდებელთან განხორციელდება ხელშეკრულების 10.2 პუნქტით გათვალისწინებული დოკუმენტების მიღებიდან 10 (ათი) სამუშაო დღის განმავლობაში.

11. ფასები

11.1 წინამდებარე ხელშეკრულების მე-4 პუნქტში დაფიქსირებული ფასი წარმოადგენს ხელშეკრულების ღირებულებით პარამეტრს.

11.2 ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.3 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულებს ჯამური ღირებულების 10%-ზე მეტი ოდენობით გაზრდა.

12. ხელშეკრულებაში ცვლილებების შეტანა

12.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

12.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

13. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14. ფორს-მაჟორი

14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.

14.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. მხარეთა პასუხისმგებლობა ხელშეკრულების პირობების შეუსრულებლობისათვის

15.1 მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზარალი, მოქმედი კანონმდებლობით განსაზღვრული წესით

15.2 შემსყიდველი კისრულობს პასუხისმგებლობას ხელშეკრულების პირობების 10.3 პუნქტით გათვალისწინებული ანგარიშსწორების ვადების დარღვევისათვის გადაუხადოს პირგასამტეხლოს სახით მიმწოდებელს ვადაგადაცილებული თანხის 0.02%-ის ოდენობით ყოველი ვადაგადაცილებული დღისათვის;

15.3 მიმწოდებლის პასუხისმგებლობის დაკისრების პირობები:

15.3.1 მიმწოდებლის მიერ წინამდებარე ხელშეკრულებით გათვალისწინებული სამუშაოების დასრულების ვადის გადაცილების შემთხვევაში, მას დაეკისრება პირგასამტეხლო ყოველ გადაცილებულ დღეზე ხელშეკრულების საერთო ღირებულების 0.02%-ის ოდენობით;

15.3.3 მიმწოდებლის მიერ წინამდებარე ხელშეკრულებით გათვალისწინებული პირობების შეუსრულებლობისათვის, მას დაეკისრება პირგასამტეხლო ხელშეკრულების საერთო ღირებულების 20%-ის ოდენობით;

15.5 მხარეები თავისუფლდებიან პასუხისმგებლობისაგან:

15.5.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელისშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.

15.5.2 ის მხარე, რომელიც ხელშეკრულების 15.5.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოძწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 5 დღისა წარმოადგინოს ცნობა შესაბამისი კომპეტენტური ორგანიზაციიდან (ასეთის არსებობის შემთხვევაში), რომელიც დადასტურებს წერილში მოყვანილ გარემოებებს

15.5.3 ხელშეკრულების 15.5.2 პუნქტით გათვალისწინებული პირობების დადგომის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება

ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადამდე შეწყვიტონ ხელშეკრულება.

15.6 როგორც შემსყიდველისათვის, ისე მიმწოდებლისათვის ვადაგადაცილებული დღეების რაოდენობაში არ ჩაითვლება იმ დღეების რაოდენობა, რომელიც ექსპერტს დაჭირდება დასკვნის (ცნობის) გასაცემად

16. ხელშეკრულების შეწყვეტა

16.1. შემსყიდველი უფლებამოსილია ხელშეკრულების ნებისმიერ ეტაპზე შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში, რის შესახებაც შემსყიდველი წინასწარ აცნობებს მიმწოდებელს.

16.2. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

17. სამუშაოების ხარისხი

მიმწოდებელი პასუხისმგებელია შესრულებული სამუშაოების ხარისხზე, რომ შესრულებული სამუშაოები იქნება საქართველოში მოქმედი ყველა საჭირო წესების მოთხოვნათა დაცვით.

18. ხელშეკრულების შესრულების შეფერხება

თუ ხელშეკრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყონებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით, ხელშეკრულების მე-12 მუხლის შესაბამისად.

19. დავები და მათი გადაწყვეტის წესი

19.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

19.2. თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს საერთო სასამართლოს.

20. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2016 წლის 31 დეკემბრის ჩათვლით.

21. გარდამავალი და დასკვნითი დებულებები:

21.2. წინამდებარე ხელშეკრულება შედგენილია ქართულ ენაზე;

21.3. წინამდებარე ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომელთაგან ერთი ინახება „შემსყიდველთან“, ხოლო მეორე - „მიმწოდებელთან“.

20. მხარეთა რეკვიზიტები

